

Broj: 13-314-7/19
Sarajevo, 10.04.2019. god.

Na osnovu člana 64. stav (1) tačka b), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 13-314-6/19 od 09.04.2019. godine, VD Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. U otvorenom postupku javne nabavke **svježeg pilećeg mesa** za potrebe Kantonalne javne ustanove „Gerontološki centar“ Sarajevo, prihvala se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 13-314-6/19 od 09.04.2019. godine i **ugovor za nabavku svježeg pilećeg mesa** za period **od tri godine**, dodjeljuje se Predstavniku grupe ponuđača „AKOVA IMPEX“ doo Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „BROVIS“ dd Visoko) (Ponuda broj: 89/19 od 08.03.2019. godine), za ponuđenu cijenu u iznosu od **60.972,00 KM bez PDV-a**, a ukupna cijena ponude sa PDV-om za period od tri godine iznosi **71.337,24 KM**.

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 15 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.gcs.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

Obrazloženje:

Postupak javne nabavke **svježeg pilećeg mesa** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 13-314/19 od 27.02.2019. godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke za period od tri godine bez PDV-a iznosi maksimalno 75.000,00 KM.

Na osnovu Odluke o pokretanju postupka br: 13-314/19 od 27.02.2019. god., Obavještenja o nabavci broj: 897-1-1-14-3-8/19, objavljeno 27.02.2019. godine na Portalu javnih nabavki, sažetka obavještenja o nabavci objavljenog u Službenom glasniku BiH broj 16/19. i izvještaja o preuzimanju tenderske dokumentacije od strane ponuđača tendersku dokumentaciju su preuzeli:

1. BROVIS DD VISOKO
2. BBS EUROPE
3. VINOJUG DOO
4. EKAPIJA DOO

5. BOSNA-KOM. DOO. GRAČANICA
6. LALA I LAĆO DOO BIJELEJINA
7. AKOVA IMPEX D.O.O.

Komisija za javne nabavke je imenovana Rješenjem broj: 13-74/19 od 14.01.2019.godine.

Krajnji rok za dostavu ponuda je bio 21.03.2019. godine u 10:30. Istog dana u 11:30 sati je izvršeno javno otvaranje prispjelih ponuda na kojem je prisustvovao predstavnik ponuđača „VINOJUG“ doo Sarajevo – Gadžo Amira.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. „BOSNA-KOM“ doo, Stjepan polje, Gračanica
2. PRED.GRUPE PONUĐAČA AKOVA-IMPEX doo, ul. Mostarsko raskršće bb, Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „BROVIS“ dd Visoko)
3. VINOJUG doo, Igmanska br. 2-4, Sarajevo.

Komisija za javne nabavke je dostavila dana 09.04.2019. godine Zapisnik o pregledu i ocjeni ponuda broj: 13-314-5/19 od 09.04.2019. godine i Izvještaj o radu Komisije za javne nabavke i preporuka za dodjelu ugovora, broj: 13-314-6/19 od 09.04.2019. godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da nema neblagovremeno zaprimljenih ponuda,
- da su pristigle ponude ponuđača:
 1. „BOSNA-KOM“ doo, Stjepan polje, Gračanica
 2. PRED.GRUPE PONUĐAČA AKOVA-IMPEX doo, ul. Mostarsko raskršće bb, Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „BROVIS“ dd Visoko)
 3. VINOJUG doo, Igmanska br. 2-4, Sarajevo.
- da su iste prihvatljive,

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena tehnički zadovoljavajuće ponude“.

Redni broj	Ponuđač	Cijena
1.	Predstavnik grupe ponuđača AKOVA-IMPEX doo, ul. Mostarsko raskršće bb, Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „Brovis“ dd Visoko)	60.972,00 KM bez PDV-a 71.337,24 KM sa PDV-om
2.	Ponuđač „VINOJUG“ doo, ul. Igmanska 2-4., Sarajevo	64.335,00 KM bez PDV-a 75.271,95 KM sa PDV-om
3.	Ponuđač „BOSNA-KOM“ doo, Stjepan polje, Gračanica	74.040,00 KM bez PDV-a 86.626,80 KM sa PDV-om

Obzirom da je ponuda ponuđača „AKOVA IMPEX“ doo Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „Brovis“ dd Visoko), u skladu sa tenderskom dokumentacijom, koja je prema kriteriju za izbor ponude (najniža cijena tehnički zadovoljavajuće ponude) ocijenjena najpovoljnijom, u odnosu na ponude ponuđača „VINOJUG“ doo, ul. Igmanska 2-4., Sarajevo i ponudu Ponuđača BOSNA-KOM“ doo, Stjepan polje, Gračanica, to Komisija za nabavku predlaže prihvatanje ponude, te shodno članu 70. stav (1) Zakona o javnim nabavkama, donošenje Odluke o izboru ponude Predstavika grupe ponuđača „AKOVA IMPEX“ doo Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „Brovis“ dd Visoko), kao najpovoljnije za predmetnu nabavku.

Cijena najpovoljnije ponude bez PDV-a za period od 3 godine iznosi **60.972,00 KM**, a ukupna cijena ponude sa PDV-om za period od 3 godine iznosi **71.337,24 KM**.

Prilikom donošenja ove Odluke posebno je ocijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivosti jedine kvalificirane ponude.

Ocijenom provedenog postupka v.d. direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani Predstavnik grupe ponuđača AKOVA-IMPEX doo, ul. Mostarsko raskršće bb, Hadžići (član grupe ponuđača 1. „AKOVA IMPEX“ doo Hadžići i 2. član grupe ponuđača „BROVIS“ dd Visoko), dostavio prihvatljivu ponudu, sa ponudnom ukupnom cijenom za period od tri godine u iznosu od **60.972,00 KM bez PDV-a**, odnosno **71.337,24 KM sa PDV-om**.

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 13-314-6/19 od 09.04.2019. godine, odlučeno je kao u dispozitivu.

POUKA O PRAVNOM LJEKU:

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x Predstavnik grupe ponuđača
AKOVA-IMPEX doo, ul. Mostarsko raskršće bb, Hadžići
- 1x VINOJUG doo, Igmanska br. 2-4, Sarajevo
- 1x BOSNA-KOM doo, Gračanica
- 1x Sl.za pravne i opće posl.Geront.centra
- 1x Komisija za javne nabavke
- 1x a/a



Mr. Zihad Memišević

Mr. Zihad Memišević